

Жума намозининг ракъати



11:30 / 06.09.2019 1319

Умар розияллоҳу анҳудан ривоят қилинади:

«Жума намози икки ракъатдир. Рўза ҳайити намози икки ракъатдир. Қурбон ҳайити намози икки ракъатдир. Сафар намози икки ракъатдир, тўлиқдир, қаср эмасдир. Муҳаммад соллаллоҳу алайҳи васалламнинг тилларидандир».

Насоий, Аҳмад ва Ибн Можа ривоят қилишган.

Насоий ва Термизийнинг ривоятларида:

«Ким жума намозидан бир ракъатни топса, батаҳқиқ, намозни топган бўлади», - дейилган.

Дорақутнийнинг ривоятида эса:

«Ким жумадан бир ракъатни топса, унга бошқа бир ракъатни қўшсин. Кимдан икки ракъат ҳам ўтган бўлса, тўрт ракъат ўқисин», - дейилган.

Умар розияллоҳу анҳудан ривоят қилинади:

«Набий соллаллоҳу алайҳи васалламнинг тилларидан собит бўлган: «Азҳо намози икки ракъатдир, Фитр намози икки ракъатдир, мусофирнинг намози икки ракъатдир, жума намози икки ракъатдир, тўлиқдир, қаср эмасдир».

Насоий, Аҳмад ва Ибн Можа ривоят қилишган.

«Жума ҳақидаги оят ва ҳадислар» китобидан